



# المحامي المبتدئ 2

**تحتوي على:**

- التسلسل الهرمي للنيابات.
- التسلسل الهرمي للمحاكم الجنائية.
- التسلسل الهرمي للمحاكم المدنية.

**إعداد**

**إبراهيم الباز النجار**



# دونها في كشكولك




(الحقوق محفوظة لـ: @ebrahim\_elbaz1 (الصفحة الأصلية للمحتوى)).

## التسلسل الهرمي للنيابات

قبل ما ندخل في التفاصيل،

تعالى نشوف الترتيب الهرمي للنيابات  
بشكل بسيط وسريع.

(الحقوق محفوظة لـ: @ebrahim\_elbaz1 (الصفحة الأصلية للمحتوى)).





# دونها في كشكولك



(الحقوق محفوظة لـ: ebrahim\_elbaz1@ (الصفحة الأصلية للمحتوى).

## 1- النيابة الجزئية

**النيابة الجزئية** هي الأساس في شغل النيابة، وهي أكثر نيابة هتتعامل معاها في بداية تدريبك. يرأسها رئيس النيابة الجزئية، وبيعاونه عدد من وكلاء النائب العام، ودي النيابة اللي بتستقبل أغلب القضايا الجنائية اللي بتحصل في نطاق القسم أو المركز.

كل قسم شرطة أو مركز شرطة بيكون تابع ليه نيابة جزئية معينة، وأي محضر بيتعمل في القسم بيتحول تلقائيًا للنيابة الجزئية المختصة، وهي اللي بتبدأ فيه التحقيق وتشوف تفاصيل الواقعة.

### دور النيابة الجزئية:

إنها تفحص بلاغات وشكاوى الجرح، زي قضايا الضرب، والسرقعة البسيطة، والنصب، والمشاجرات، والتعدي، وغيرها من القضايا اللي بتحصل بشكل يومي. النيابة هي اللي بتقرر إذا كانت الواقعة جنحة، وإيه الإجراء اللي هيتاخذ فيها، سواء حفظ، أو استدعاء أطراف، أو إحالة للمحكمة.

### مثال عملي بسيط:

لو اتعمل محضر في قسم ثان المنصورة، فالمحضر ده بيتعرض على نيابة قسم ثان المنصورة الجزئية، وهي اللي تفحصه، وتحقق فيه، وتحدد الإجراء القانوني المناسب حسب ظروف الواقعة.

(الحقوق محفوظة لـ: ebrahim\_elbaz1@ (الصفحة الأصلية للمحتوى).

### بالنسبة لشغل المتدرب:

فالنيابة الجزئية هي المكان اللي هتحتك فيه بالشغل العملي فعليًا. هتلاقي نفسك بتصور محاضر، وبتقدم طلبات، وبتتابع قضايا، وبتسأل عن قرارات التحقيق، وده كله بيكون في الغالب من خلال مكان اسمه الجدول، واللي شرحناه بالتفصيل في الجزء اللي فات، وهو المكان اللي بتستعلم منه عن القضايا، وتشوف وصلت لحد فين، واتحدد ليها جلسة ولا لا، وآخر إجراء حصل فيها إيه.



# دونها في كشكولك



(الحقوق محفوظة لـ: @ebrahim\_elbaz1 (الصفحة الأصلية للمحتوى)).

## 2- النيابة الكلية

**النيابة الكلية** بتيجي فوق **النيابة الجزئية**، وبتعتبر حلقة وصل بينها وبين نيابة الاستئناف. يرأسها **المحامي العام**، وبيساعده عدد من **رؤساء** ووكلاء النيابة، وكل نيابة كلية بيبقى تابع ليها مجموعة من **النيابات الجزئية**.

### دور النيابة الكلية:

دورها الأساسي هو **الإشراف على النيابة الجزئية**، وكمان النظر في **التظلمات والشكاوى** المقدمة ضد **قرارات النيابة الجزئية**. يعني لو **صدر قرار** من النيابة الجزئية وأحد الأطراف **مش مقتنع**، يقدر يرفع **تظلم** للنيابة الكلية **لإعادة النظر** فيه.

### من الأمثلة اليومية:

**قرار حفظ المحضر**، لو صدر قرار بالحفظ من **النيابة الجزئية** والطرف مش مقتنع، يقدر يقدم **تظلم للنيابة الكلية**، وهي ترجع تراجع المحضر وتشوف إذا كان محتاج **استكمال التحقيق** أو **إصدار** قرار جديد. وطبعاً **كيفية** كتابة التظلم على قرار الحفظ، وإزاي يتقدم، وإزاي يتتابع لحد ما المحضر يطلع من الحفظ، كل ده **هيتم شرحه** بالتفصيل خطوة خطوة في الملفات الجاية ضمن سلسلة **(المحامي المبتدئ)**.

(الحقوق محفوظة لـ: @ebrahim\_elbaz1 (الصفحة الأصلية للمحتوى)).

### كمان للنيابة الكلية دور مهم:

في **القضايا الكبيرة والجنايات**. التحقيق ممكن يبدأ في **النيابة الجزئية**، لكن بعد كده النيابة الكلية **بتستلم الملف**، وتبدأ تراجع **التحقيقات**، وتشوف **كفاية الأدلة**، وتستكمل **الإجراءات** قبل **إحالة القضية لمحكمة الجنايات**.

### مثال عملي:

واقعة **سرقة بالإكراه أو قتل**، التحقيق يبدأ في **النيابة الجزئية**، بعدين النيابة الكلية تراجع الملف، **تكمل الإجراءات**، قبل **إحالة القضية لمحكمة الجنايات**.



# دونها في كشكولك



(الحقوق محفوظة لـ: @ebrahim\_elbaz1 (الصفحة الأصلية للمحتوى)).

## 3- محكمة الاستئناف

**نيابة الاستئناف** بتجي في مرتبة **أعلى** من النيابة الجزئية والنيابة الكلية، وبتعتبر مرحلة **إشراف ورقابة** على شغل **النيابات الأدنى**. يرأسها **المحامي العام الأول**، ويكون له دور مهم في متابعة حسن سير العمل داخل نطاق اختصاصه.

### الدور الأساسي لنيابة الاستئناف:

هو متابعة **التظلمات** التي **اتقدمت** في **النيابة الكلية**. بمعنى، لو أي **تظلم** **اتقدم** للنيابة الكلية و**اترفض**، الطرف الذي قدم التظلم ممكن **يرفعه** للنيابة **الاستئناف** علشان **تعيد النظر** فيه.

### كمان نيابة الاستئناف:

(الحقوق محفوظة لـ: @ebrahim\_elbaz1 (الصفحة الأصلية للمحتوى)).

بتمثل **النيابة العامة** أمام **محاكم الاستئناف**، وأمام **محاكم الجنايات المستأنفة**، وده يكون من خلال **أعضاء النيابة** التي بيحضروا الجلسات ويدافعوا عن قرارات النيابة أمام المحكمة.

### ودورها مش بس قضائي:

لكن كمان **إشرافي**، لأنها بتتابع أداء **النيابات الجزئية والكلية** التابعة ليها، وبتراجع الشغل الصادر منها، وبتدخل لو لازم الأمر علشان تصحيح أي **خطأ** أو **خلل** في الإجراءات.



# دونها في كشكولك



(الحقوق محفوظة لـ): ebrahim\_elbaz1@ (الصفحة الأصلية للمحتوى).

## 4- النائب العام

**النائب العام هو أعلى سلطة في النيابة، ويعتبر رئيس النيابة العامة على مستوى الجمهورية كلها.**  
**هو المسؤول عن الإشراف العام على جميع النيابة، من الجزئية للكلية ولنيابة الاستئناف، ويضمن إن كل القرارات والإجراءات ماضية صح وبطريقة قانونية.**

### دوره مش بس إشرافي:

**لكن كمان تنفيذي لأنه له الحق في إصدار التعليمات العامة لكل النيابة، وبيقدر يعدل أو يلغي أي قرار خاطئ صادر من أي نيابة أدنى.**  
**يعني لو فيه قرار من النيابة الجزئية أو الكلية أو حتى الاستئناف مخالف للقانون، النائب العام له الحق يتدخل ويصححه.**

### وبالنسبة لشغل المتدرب:

(الحقوق محفوظة لـ): ebrahim\_elbaz1@ (الصفحة الأصلية للمحتوى).

**التعامل المباشر مع النائب العام يكون نادر جدًا، لكن مهم إنك تعرف دوره كويس علشان تبقى فاهم التسلسل الهرمي كله.**  
**أي ملف أو قضية بتمر بمراحل مختلفة، والنائب العام بيبقى هو المشرف النهائي اللي بيضمن سلامة كل الإجراءات، وده بيعطيك تصور كامل عن عمل النيابة من البداية للنهاية.**



# دونها في كشكولك




(الحقوق محفوظة لـ: @ebrahim\_elbaz1 (الصفحة الأصلية للمحتوى)).

## التسلسل الهرمي للمحاكم الجنائية

قبل ما ندخل في التفاصيل،

تعالى نشوف الترتيب الهرمي للمحاكم الجنائية  
بشكل بسيط وسريع.

(الحقوق محفوظة لـ: @ebrahim\_elbaz1 (الصفحة الأصلية للمحتوى)).





# دونها في كشكولك



(الحقوق محفوظة لـ: ebrahim\_elbaz1@ (الصفحة الأصلية للمحتوى).

## محكمة الجنج

**محكمة الجنج** هي الدائرة التي موجودة داخل **المحكمة الجزئية**، وتتكون من **قاضٍ فرد (قاضي جزئي)**، مش هيئة كاملة.

### دورها:

محكمة الجنج **بتتظر في الجنج**، ودي الجرائم البسيطة زي قضايا الضرب، السب والقذف، التبديد، والمشاجرات البسيطة، دي أكثر قاعة **هتتعامل معاها** في بدايتك كمحامي.

(الحقوق محفوظة لـ: ebrahim\_elbaz1@ (الصفحة الأصلية للمحتوى).

### أهم نصيحة للمتدرب:

أول حاجة **لازم** تكون عارفها هي **الرول بتاعك** وده شرحته بالتفصيل في **الجزء الأول من السلسلة**، يعني ترتيب القضايا في الجلسة، لأن الجلسة ممكن يكون فيها عدد **كبير جدًا** من القضايا، أحيانًا **200** قضية أو أكثر.

**لازم** تعرف تطلب **طلباتك** باختصار ووضوح، وتتدرب على تلخيص دفوعك، وتوصل المعلومة المهمة في **أقل وقت**، لأن القاضي مش هيسمحك **تتكلم كثير** ولازم تراجع **ملف قضايا الضرب**.

### واقعد كويس في القاعة:

وشوف كل **خطوة** بيعملها القاضي أو المحامي اللي بيترافع، ودون كل حاجة **مهمة** في **كشكولك**. ده هيساعدك جدًا في **فهم** طريقة إدارة الجلسة، وطريقة **تقديم الطلبات والدفوع بشكل صحيح**.





# دونها في كشكولك



## محكمة الجنايات

**محكمة الجنايات** هي الدائرة المسؤولة عن القضايا الجنائية الكبرى، وتتشكل من **ثلاثة قضاة (ثلاثة مستشارين)**، مش **قاضٍ** فرد زي الجنج.

## دورها:

(الحقوق محفوظة لـ: @ebrahim\_elbaz1 (الصفحة الأصلية للمحتوى)).

هي اللي بتتظر في **الجنايات**، ودي **الجرائم الكبيرة** اللي عقوبتها سجن مشدد، سجن مؤبد، أو إعدام، زي القتل، السرقة بالإكراه، الاتجار بالمخدرات أو الأسلحة. كل قضية **بتبدأ** تحقيقاتها غالبًا في النيابة الجزئية أو الكلية، وبعدها **توصل لمحكمة الجنايات لإصدار الحكم النهائي**.

## أهم نصيحة للمتدرب:

أنت كـ **مُعيد جدول عام** مش هتقدر تترافع قدامها، لكن **لازم** تقعد في القاعة **تسمع** مرافعات **الأستاذة الكبار** وتتعلم منهم.

(الحقوق محفوظة لـ: @ebrahim\_elbaz1 (الصفحة الأصلية للمحتوى)).

هتلاقي الرول كله في حدود **20** قضية ولا حاجة. اسمع كل **مرافعة** هتلاقي **أساليب مختلفة**، اكتب أي كلمة **سمعتها** مفهمتهاش من أحد الأستاذة، ولما الجلسة تخلص **اسأل** الأستاذ اللي اترافع فيها وهو هيشرح لك.

بعد ما تروح البيت، ابحت ودور في أي **جزء** مفهمتهوش **ودونها في كشكولك**.

وده لأن أي **أستاذ كبير** هتسأله إزاي تتعلم، **هيقولك**: ادخل قاعة الجنايات واسمع علشان تبقى **محامي مميز**.



# دونها في كشكولك



(الحقوق محفوظة لـ: ebrahim\_elbaz1@ (الصفحة الأصلية للمحتوى).

## 2- محكمة الاستئناف (الدرجة الثانية)

**محكمة الاستئناف** هي محكمة **الدرجة الثانية**، وبتعتبر **فرصة جديدة** للمتهم أو لأي طرف في الدعوى لمراجعة الحكم الصادر من محكمة أول درجة، سواء كانت **جنحة** أو **جناية**.

### دورها:

**محكمة الاستئناف** مش بس **بتراجع الحكم**، لكنها بتعيد نظر الدعوى بالكامل من أول وجديد. يعني **بتفحص** الوقائع مرة ثانية، وبتسمع دفوع الأطراف، وبتستعرض المستندات لو لازم الأمر، وكان القضية بتبدأ **قدامها لأول مرة**.

(الحقوق محفوظة لـ: ebrahim\_elbaz1@ (الصفحة الأصلية للمحتوى).

### الاستئناف على الجناح والجنايات:

بالنسبة **للجناح**، المحكمة **بتعيد النظر** في أحكام محكمة الجناح. بالنسبة **للجنايات**، المحكمة **بتعيد النظر** في أحكام محكمة الجنايات، ودي بعد التعديلات الأخيرة، لأن الجنايات **زمان** كانت على **درجة واحدة**، ودلوقتي بقت **درجتين تقاضي**.

### أهم نصيحة للمتدرب:

طبعا أنت كـ **مُقيد جدول عام** مش هتقدر تتراجع هنا، لكن نفس النصيحة اللي قولتلك عليها في **الجنايات** طبقها هنا. **اقعد في القاعة** واسمع وشوف، في قاعة **الاستئناف** هتلاقي أساتذة كبار وهتسمع مرافعات منهم **قوية جدًا**. وخذ بالك من أي تصرف أو رد فعل بيحصل منهم **داخل القاعة**، علشان تعرف لما تبقى في **مكانهم تتصرف** إزاي وتتوقع رد فعل المحكمة. القاعة دي **كنز كبير** للتعلم العملي.



# دونها في كشكولك



(الحقوق محفوظة لـ: @ebrahim\_elbaz1 (الصفحة الأصلية للمحتوى)).

## محكمة النقض

**محكمة النقض هي أعلى محكمة في النظام القضائي الجنائي، ودورها الأساسي محكمة قانون مش محكمة وقائع.**  
يعني **مش هتسمع** شهود ولا هتشوف الأدلة زي محاكم الجرح والجنايات، لكنها **بتراجع** هل المحاكم اللي تحت **طبقت القانون** صح ولا فيه أخطاء؟

## الأيام دي:

**محكمة النقض** أحياناً بتقدر **تحسم** بعض القضايا بنفسها من غير ما ترجعها للمحاكم الأدنى، خصوصاً لو القضية **اتنقضت أكثر** من مرة، وده بيساعد على **تسريع العدالة** وتقليل التأجيلات.  
وطبعاً دا **استثناء** على القاعدة الأصلية اللي كانت المحكمة فيها ترجع أي حكم لمراجعة المحاكم الأدنى.

## أهم نصيحة للمتدرب:

(الحقوق محفوظة لـ: @ebrahim\_elbaz1 (الصفحة الأصلية للمحتوى)).

قاعة النقض هي قاعة هدوء وجدية مطلقة. الطعن قدامها شغل الأساتذة الكبار المتخصصين، ولازم تتعلم إن المذكرة هنا لازم تكون مبنية على أسباب قانونية قوية ومحددة جداً (زي البطلان في الإجراءات أو القصور في تسبيب الحكم)، ومفيش فيها أي إعادة لقصة القضية.



# دونها في كشكولك




## التسلسل الهرمي للمحاكم المدنية

قبل ما ندخل في التفاصيل،

تعالى نشوف الترتيب الهرمي للمحاكم المدنية  
بشكل بسيط وسريع

(الحقوق محفوظة لـ: ebrahim\_elbaz1@ الصفحة الأصلية للمحتوى).



(الحقوق محفوظة لـ: ebrahim\_elbaz1@ الصفحة الأصلية للمحتوى).



# دونها في كشكولك



## محاكم أول درجة:

محاكم أول درجة هي البداية لأي دعوى مدنية، يعني أول باب بتدخل منه الدعوى.

وتنقسم إلى نوعين أساسيين:

## أولاً: المحاكم الجزئية

(الحقوق محفوظة لـ): ebrahim\_elbaz1@ (الصفحة الأصلية للمحتوى).

### التكوين والمكان:

المحكمة الجزئية يكون فيها قاضي واحد بس، وبتكون موجودة في كل مركز أو قسم شرطة تابع لكل محافظة.

### الاختصاص القيمي:

المحكمة الجزئية هي اللي بتحكم في القضايا اللي قيمتها ما تعديش 200 ألف جنيه، ولو الدعوى أقل من 30 ألف جنيه فالحكم بيكون نهائي ومينفعش تستأنفه، لكن لو قيمتها من 30 ألف لحد 200 ألف جنيه، ساعتها تقدر تطعن على الحكم..

(الحقوق محفوظة لـ): ebrahim\_elbaz1@ (الصفحة الأصلية للمحتوى).

### الاختصاص النوعي:

تختص المحكمة الجزئية كمان في أنواع محددة من القضايا حتى لو زادت قيمتها عن 200,000 جنيه، وده يُعد استثناءً من القاعدة العامة.

مثلاً دعاوى صحة التوقيع أو دعاوى تسليم العقار الأصلية، وحاجات تانية القانون حددها بشكل صريح.

يعني لو موكلك جاي يرفع دعوى صحة توقيع على شقة بـ 5 مليون جنيه مثلاً، برضه هتترفع قدام المحكمة الجزئية لأن القانون قال إن النوع ده من القضايا بيترفع هناك تحديداً.



# دونها في كشكولك



## ثانيًا: المحاكم الابتدائية (الكلية)

(الحقوق محفوظة لـ: ebrahim\_elbaz1@ (الصفحة الأصلية للمحتوى).

### التكوين والمكان:

المحكمة الابتدائية تتكوّن من **3 قضاة**، ويتكون موجوده في كل **مدينة** تعتبر **عاصمة** للمحافظة، وفي بعض المحافظات ممكن **تلاقي أكثر من محكمة ابتدائية**، وده بيكون **استثناء**.

### الاختصاص:

المحكمة الابتدائية هي اللي بتحكم في القضايا اللي **قيمتها أكثر من 200 ألف جنيه**، وكمان في القضايا اللي **ملهاش قيمة مالية محددة**، زي مثلاً القضايا الخاصة بالحقوق أو الأحوال الشخصية اللي مينفعش تتقدر بفلوس.

## أهم نصيحة للمتدرب في محاكم أول درجة:

سجل **مواعيد الإعلانات والجلسات بدقة** لأن أي تأخير ممكن **يضيع حق موكلك**، ونظم شغلك كويس وجهاز ملف الدعوى بالكامل **قبل ما ترفعها** علشان متقفش في **بطلان إعلان** أو **نقص مستندات**، وكمان توفر على نفسك **وقت وجهد** بعد كده.

### الترافع أمام المحكمة وحدود قيد المحامي:

ولما تيجي تترافع قدام القاضي **خليك مختصر وواضح**، وقدم دايمًا **مذكرة مكتوبة** علشان تبقى جزء رسمي من ملف القضية، وخلي بالك إن المحامي المقيد جدول عام يقدر **يترافع قدام المحاكم الجزئية فقط**، أما المحامي المقيد ابتدائي فليته الحق **يترافع قدام المحاكم الابتدائية عادي**.

(الحقوق محفوظة لـ: ebrahim\_elbaz1@ (الصفحة الأصلية للمحتوى).



# دونها في كشكولك



## محاكم ثاني درجة:

محاكم ثاني درجة هي مرحلة الطعن على الأحكام غير النهائية. وتنقسم وظيفياً إلى قسمين :

(الحقوق محفوظة لـ): ebrahim\_elbaz1@ (الصفحة الأصلية للمحتوى).

## المحكمة الابتدائية (بهيئة استئنافية):

### التكوين والمكان:

المحكمة دي بتتكون من 3 قضاة، وبتكون موجودة في نفس مكان المحكمة الابتدائية.

### وظيفتها:

بتنظر الأحكام اللي صدرت من المحكمة الجزئية، بشرط إن الحكم يكون قابل للاستئناف، يعني لما تكون قيمة الدعوى أكثر من 30 ألف جنيه.

## محكمة الاستئناف العالي:

(الحقوق محفوظة لـ): ebrahim\_elbaz1@ (الصفحة الأصلية للمحتوى).

### التكوين والمكان:

برضه بتتكون من 3 قضاة، وفي مصر موجود منها 8 محاكم في المحافظات الكبيرة (القاهرة، طنطا، الإسكندرية، المنصورة، الإسماعيلية، بني سويف، قنا، وأسيوط).

### وظيفتها:

ودي المحكمة اللي بتروح لها لما تخسر قضيتك في أول درجة قدام المحكمة الابتدائية.

## أهم نصيحة للمتدرب في محاكم الدرجة الثانية:

اتعلم من أستاذك إزاي بيكتب الصحيفة الاستئنافية، وركز كويس على الأخطاء أو العيوب اللي حصلت في حكم أول درجة، سواء في تقدير الأدلة أو في تطبيق القانون، لأن دي من أهم المهارات اللي لازم تتقنها علشان لما قيدك يوصل استئناف تبقى جاهز وتتعامل مع القضايا بثقة واحتراف.





# دونها في كشكولك



## محكمة النقض

(الحقوق محفوظة لـ: ebrahim\_elbaz1@ (الصفحة الأصلية للمحتوى).

### المعنى والمكانة:

محكمة النقض هي **أعلى محكمة في مصر**، وهي التي بتقف على قمة النظام القضائي. دورها الأساسي إنها تراجع الأحكام وتشوف هل تم تطبيق القانون بطريقة صحيحة ولا لأ.

### التكوين والدور:

بتتكون محكمة النقض من 5 قضاة، ودي مش درجة جديدة من درجات التقاضي، يعني مش بتعيد نظر الوقائع، لكنها محكمة قانون، دورها تتأكد إن الأحكام اللي صدرت قبل كده طبقت القانون صح.

### النصاب القيمي للطعن:

المحكمة بتتظر الطعون اللي جاية من أحكام صادرة من محكمة الاستئناف في القضايا اللي قيمتها أكثر من 500 ألف جنيه، وده معناه إن القضايا اللي قيمتها أقل من 500 ألف جنيه غالباً بيكون حكمها نهائي ومينفعش يتطعن عليه بالنقض، إلا في حالات استثنائية القانون نفسه هو اللي بيحددها..

(الحقوق محفوظة لـ: ebrahim\_elbaz1@ (الصفحة الأصلية للمحتوى).

### تطور دورها (الاستثناء):

الأصل إن محكمة النقض بتراجع الأحكام وتشوف بس هل القانون اتطبق صح ولا لأ، لكن في حالات معينة، زي لما حكم يتنقض أكثر من مرة، بقى مسموح للمحكمة إنها تفصل في الموضوع بنفسها بدل ما ترجع القضية تاني، وده لتوفير الوقت وتسريع الفصل في الدعاوى.

### أهم نصيحة للمتدرب في محكمة النقض:

اتعلم من أستاذك إزاي يطلع العيوب القانونية اللي في الحكم، زي مخالفة نص قانوني واضح أو وجود قصور في التسبيب، لأن الحاجات دي هي مفتاح الطعن أمام محكمة النقض، وهي اللي بتخليك تفهم إزاي تراجع الأحكام بعين المحامي الكبير وأنت لسه محامي تحت التدريب علشان تتعلم صح.





# دونها في كشكولك



## وفي النهاية،

الملف ده مهم جدًا ليك **كمتدرب** أو **كمحامي مبتدئ**، لأنه بيشرح لك الترتيب الهرمي للنيابات والتقسيم الهرمي للمحاكم الجنائية والمدنية. الفهم كويس للموضوع ده **هيساعدك** تعرف كل **جهة** مسؤولة عن إيه، وكل مرحلة في التحقيق أو **التقاضي** ليها دورها، وده هيسهل عليك شغلك اليومي سواء كنت **بتتابع** قضية، تقدم طلب، أو تكتب تظلم.

## نصيحة مهمة:

حاول دايماً تكون **فاهم** مين أعلى ومين أقل، مين بيصدر قرارات ومين بيراجعها، ومين ينفذ مين. ده هيووفر عليك وقت ومجهود وهيساعدك **تتصرف صح** قدام أي ملف.

لكن **خلي بالك**، المعرفة دي مهمتها الأساسية مش بس إنك تعرف الرتب والقوانين، لازم كمان تركز على **شغلك العملي**: كتابة صحف، مذكرات، شكاوى، وتظلمات، ومتابعة الملفات على أرض الواقع، ده اللي هيخليك **محامي** متمكن مش بس **موظف إداري**.

ودلوقتي كمان تقدر تعرف **ترفع** الدعوى فين، سواء من حيث **الاختصاص النوعي** أو **الاختصاص القيمي**. لازم تبحت **أكثر** في قانون المرافعات وتقرأ المواضيع الخاصة بالمحاكم المدنية، لأنها الأساس **وهيسهل** عليك حاجات **كتير** في بدايتك مع الدعوى المدنية، خصوصاً في معرفة مكان تقديم الدعوى، نوع المحكمة، وطبيعة الإجراءات المطلوبة.

الملف ده يعتبر **الخطوة الثانية** في سلسلة **«المحامي المبتدئ»**، وهنكمل على نفس المنهج في الملفات الجاية، بحيث كل جزء يكون مرتب وواضح، وتقدر تتعلم القانون خطوة خطوة بدون **لخبطة** أو معلومات **ناقصة**.

أتمنى لكم **جميعاً التوفيق**، وأتمنى تقدرُوا تستفيدُوا من **الجهد الكبير** اللي **بذل** في إعداد الملفات، ولا **تنسوني** من دعائكم.

**وبس كده،**

كان معكم/ إبراهيم الباز النجار،  
من منصة "دونها في كشكولك"،  
والسلام عليكم ورحمة الله وبركاته.

للحصول على **جميع الشروحات والملفات القانونية** انضم إلى **قناة التليجرام** وباقي منصاتنا.

[https://tiktok.com/@ebrahim\\_elbaz1](https://tiktok.com/@ebrahim_elbaz1) :

<https://t.me/ebrahimelbaz12> :

Ebrahim Elbaz Elnagar :

دونها في كشكولك :